

1. Մարզպետի և մարզպետարանի ստորաբաժանումների կողմից կատարված աշխատանքների հանրային իրազեկում.

2021 թվականին մարզպետների մասնակցությամբ տեղի է ունեցել 6 մամուլի ասուլիս:

2021թ հունվարի 21-ին տեղի է ունեցել Շիրակի մարզպետ Հովհաննես Հարությունյանի մամուլի ասուլիսը՝ մարզպետ նշանակվելու կապակցությամբ:

Ապրիլի 6-ին՝ մարզային խորհրդի 2021թ. թվականի առաջին նիստից հետո, Շիրակի մարզպետ Հովհաննես Հարությունյանը պատասխանել է լրագրողների հարցերին:

2021թ. մայիսի 12-ին Շիրակի մարզպետ Հովհաննես Հարությունյանը հանդես է եկել աշխատանքային 100 օրերն ամփոփող ասուլիսով:

2021թ. հուլիսի 16-ին կայացած մարզխորհրդի նիստի ավարտին Շիրակի մարզպետը պատասխանել է մարզում գործող լրատվամիջոցների ներկայացուցիչների հարցերին:

2021թ. նոյեմբերի 4-ին Շիրակի մարզպետ Հովհաննես Հարությունյանը հրաժեշտի ասուլիս է անցկացրել լրատվամիջոցների հետ:

2021թ. նոյեմբերի 11-ին՝ աշխատանքային առաջին օրը, Շիրակի մարզպետ Նազելի Բաղդասարյանը հանդիպել է ՉԼՄ-ների ներկայացուցիչների հետ, պատասխանել նրանց հետաքրքրող հարցերին:

2021թվականի ընթացքում պաշտոնավարող Շիրակի մարզպետները պարբերաբար հարցազրույցներ են տվել տեղական «Հ1», «Ցայգ», «Շանթ» հեռուստաընկերություններին, պատասխանել «Առավոտ», «Արմենպրես», «Սպուտնիկ Արմենիա», «Հայկական ժամանակ», «Հետք», «Ազատություն» կայքերի թղթակիցներին, «Շրջապատ»-ը «Շիրակ» շաբաթաթերթերի լրագրողներին հետաքրքրող հարցերին, հյուրընկալվել «Հ1», «Ցայգ», «Շանթ», «factor.am», «1in.am» հաղորդաշարերին:

Բաժնի կողմից ապահովվել է մարզպետարանի գործունեությանն առնչվող, հասարակական հետաքրքրություն ներկայացնող թեմաների վերաբերյալ մարզպետարանի պատասխանատուների հարցազրույցների, ճեպազրույցների, հայտարարությունների կազմակերպումը, մամուլի հաղորդագրությունների, պարզաբանումների և հրապարակումների, այլ տեղեկանքների պատրաստումը: 2021 թվականին ամենից շատ անդրադարձ է կատարվել կորոնավիրուսի, պատվաստումների թվային տվյալներին, քաղաքաշինական հիմնախնդիրներին, գյուղատնտեսության բնագավառի հիմնահարցերին, կրթական ու մարզական ձեռքբերումներին:

Ամենօրյա աշխատանքային կարգով ուսումնասիրվել ու վերլուծվել է մարզպետարանի գործունեությանը վերաբերող զանգվածային լրատվության միջոցների նյութերը,

անհրաժեշտության դեպքում տեղեկացվել է մարզպետին և ոլորտային պատասխանատուներին, ապահովվել է ՉԼՄ հրապարակումների օպերատիվ արձագանքը: Հանրային իրազեկման նպատակով մշտապես մարզպետարանի վարչությունների և բաժինների պետերի մասնակցությամբ կազմակերպվել են հարցազրույցներ ՉԼՄ-ների ներկայացուցիչների հետ:

Մարզում գործունեություն ծավալող ՉԼՄ բոլոր ներկայացուցիչները պատշաճ ժամկետներում մշտապես տեղեկացվել են մարզպետարանի և նրա ենթակայության տակ գտնվող հաստատություններում տեղի ունեցած այն միջոցառումների մասին, որոնք ենթակա են եղել լուսաբանման:

Մարզպետարանի պաշտոնական կայքէջում նախապես տեղադրվել են մարզային խորհուրդների նիստերի անցկացման օրակարգերի նախագծերը, ՉԼՄ-ները նախօրոք տեղեկացվել են նիստերի անցկացման օրվա և ժամի մասին և լուսաբանվել են անցկացված մարզխորհրդի բոլոր նիստերը, նիստերի արձանագրությունները տեղադրվել են կայքէջում: Մարզպետարանի կայքէջում սահմանված ժամկետներում և ամբողջությամբ տեղադրվել են 2021 թվականի անցած ամիսներին մարզպետի կողմից ընդունված բոլոր 449 որոշումները, տեղադրվել են նաև համայնքների ղեկավարների և ավագանիների որոշումները: Պարբերաբար կատարվել է մարզպետարանի կառուցվածքային և առանձնացված ստորաբաժանումներից իրենց ոլորտին առնչվող տեղեկատվության հավաքագրում, նախապատրաստում և մարզպետարանի պաշտոնական կայքում տեղադրում: 2021 թվականի հաշվետու ժամանակահատվածում մարզպետի և մարզպետարանի աշխատակիցների կողմից պատասխանվել են լրատվամիջոցներից, հասարակական կազմակերպություններից ստացված բոլոր գրավոր հարցումներին (այդ թվում՝ Էլեկտրոնային փոստով ստացված):

ՀՀ միգրացիոն պետական ծառայություն պարբերաբար ուղարկվել են Շիրակի մարզի համայնքների այն բնակիչների անձնական տվյալները, որոնք դիմել են ՌԴ տարածք մուտք գործելու արգելափակման վերանայման հարցով:

2. Մարզպետի մոտ քաղաքացիների ընդունելության կազմակերպում.

ՀՀ Շիրակի մարզպետի կողմից քաղաքացիների ընդունելության գործընթացն ամբողջությամբ իրականացվել է «Տեղեկատվության ազատության մասին» Հայաստանի Հանրապետության օրենքի 7-րդ հոդվածի 3-րդ կետի և ՀՀ Շիրակի մարզպետի 2008 թվականի հուլիսի 28-ի «Հայաստանի Հանրապետության Շիրակի մարզպետարանում քաղաքացիների ընդունելության կազմակերպման կարգը հաստատելու մասին» թիվ 187 որոշմամբ սահմանված կարգի դրույթներին համապատասխան:

2021 թվականին ՀՀ Շիրակի մարզպետի և մարզպետի տեղակալի մոտ կազմակերպվել և անցկացվել են քաղաքացիների թվով ութ ընդունելություններ:

Քաղաքացիների ընդունելություններն անցկացվել են ինչպես նախատեսված օրերին և ժամերին, այնպես էլ արտահերթ՝ անհրաժեշտության դեպքում: Քաղաքացիների ընդունելությունների ընթացքում բարձրացված հարցերը վերաբերվել են բնակարանային, զբաղվածության, առողջապահական խնդիրներին, ինչպես նաև սոցիալական աջակցության տրամադրամանը:

Յուրաքանչյուր ամիս ՀՀ վարչապետի աշխատակազմ տեղեկատվություն է տրամադրվել նախորդ ամսին քաղաքացիներից ստացված դիմում-բողոքների, առաջարկությունների, հանրագրերի, քաղաքացիների ընդունելության վերաբերյալ:

3. Արտաքին կապերի ոլորտում կազմակերպվել են Շիրակի մարզպետի հանդիպումները

ՀՀ-ում Նիդերլանդների Թագավորության, Ճապոնիայի, Ռուսաստանի Դաշնության, Իրանի Իսլամական Հանրապետության, Բելառուսի, Մեծ Բրիտանիայի և Հյուսիսային Իռլանդիայի Միացյալ Թագավորության, Արգենտինայի, ԱՄՆ-ի, Ֆրանսիայի արտակարգ և լիազոր դեսպանների, Եվրամիության ներկայացուցիչների, Գյումրիում ՌԴ պատվո հյուպատոսի հետ, միջազգային և տեղական կազմակերպությունների կողմից անցկացված միջոցառումներին մասնակցությունը: Մասնակցություն է եղել հայ-ռուսական միջտարածաշրջանային 8-րդ ֆորումի աշխատանքներին, Իրանի Իսլամական Հանրապետության դեսպանության կողմից կազմակերպված ցուցահանդեսին: Պատրաստվել են գրություններ, թարգմանություններ: Կազմակերպվել են մարզպետի հանդիպումները մարզում գործող այլ միջազգային կազմակերպությունների ներկայացուցիչների հետ:

ՀՀ Շիրակի մարզպետարանի տեղեկատվության և հասարակայնության հետ կապերի բաժնի պետ **Արաքսյա Կիրակոսյան**